



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	HARIAN METRO			
TARIKH	:	5/6/2021	MUKA SURAT	:	17
JABATAN	:	PERHILITAN			

TERSANGKUT JARING PULA!

Perhilitan ambil masa dua jam 'tenangkan' buaya tembaga seberat satu tan

Oleh Nuraliawati Sabri
am@hmetro.com.my

Jasin

Kehadiran seekor buaya tembaga sepanjang kira-kira 1.5 meter yang tersangkut pada jaring bukan sahaja mengejutkan nelayan, malah menggemparkan penduduk setempat di Jeti Nelayan Pantai Siring di sini, kelmarin.

Reptilia berkenaan disedari tersangkut pada jaring nelayan yang dilabuhkan untuk menangkap ikan sebelum dimaklumkan kepada Jabatan Perlindungan Hidupan Liar dan Taman Negara (Perhilitan) Melaka.

Pengarahnya, Mohd Firrdhaus Mahmood berkata, pi-



*Selepas berjaya dijinakkan buaya tembaga itu atau *Crocodylus Porosus* kemudian ditangkap lalu dibawa naik ke tepi pantai"*

Mohd Firrdhaus Mahmood

haknya menerima aduan jam 5.50 petang sebelum pasukan anggotanya bergegas ke lokasi.

Beliau berkata, pihaknya dimaklumkan reptilia itu tersangkut pada jaring nelayan dan tidak dapat meloloskan keluar.

"Operasi menyelamat buaya tembaga seberat kira-kira satu tan itu mengambil masa dua jam bermula jam 6 petang dan berakhir jam 8 malam.

"Selepas berjaya dijinakkan buaya tembaga itu atau *Crocodylus Porosus* kemudian ditangkap lalu dibawa naik ke tepi pantai," katanya ketika dihubungi Harian Metro.

Beliau berkata, operasi menyelamat itu turut dibantu Angkatan Pertahanan Awam Malaysia (APM) dan Majlis Perbandaran Jasin (MPJ) serta nelayan.

"Buaya tembaga itu kemudian dihantar ke Paya Indah Wetlands, Selangor untuk rawatan dan tindakan selanjutnya," katanya.



BUAYA tembaga yang ditangkap Perhilitan selepas tersangkut pada jaring nelayan berhampiran Jeti Nelayan Pantai Siring, kelmarin.